

1.

[Page 44r]

1.1. Domine labia mea aperies. et es meum annuntiabit laudem tua

Here opene myne lippen.
Vnde myn munt schal ku
dighed dyn loff. Got dencke
in myne helpe here snelle dy
my to helpende *Ere* sy deme
vadere deme sone vnde deme
hilghen geyste Alzo dat was
an deme antbegyne nu vnde
yummer bliuen scal Amen.

1.2. Inuitatorium

IN de ere der saligen iuncurowe
marien. Iubilere wy deme her

1.3. [Psalm 95 (94)]

Komet wy vrowen vns
[Page 44v]
to deme heren wy iubileren
gode vnseme heyle wy komen
vor syn antlat mit loue vnde
iubileren eme in den salmen.
In der ere der saligen vt supra *Wen*
te got is eyn grot here vnde eyn
grot koning bouen alle gode
wente de here vordriuet nicht
syn volk. wente in syner hand
sint allen? ende der erden vnde be
schouwet de hoge der berghe
Jubilere wy deme heren *Wen*
te syn is dat meer vnde her
makede yd vnde de erden stichteden
syne hande komet vnde anbede
[Page 45r]
wy ene vnde vallen vor got
vnde weynen vor deme heren
de de vns geschapen heft wente
he is vnse here got mer my sint
syn volk vnde schap syner
weyde *In* de ere der saligen. vt supra.
Ofte gy hudene syne stemp
ne vornemen so vorhardet
nicht iuwe herte also de lude
to der wostenye deden in deme
dage der bekoringe dar my
bekorenen iuwe vadere se pro
ueden vnde segen myne werk
Jubilere wy deme here *Uer*
tich yar was ik negest desse
[Page 45v]
me clechte vnde sede alle tyd desse
de dwelet an deme herten mer
se bekanden myner weghe
nicht. ik swor en in myneme
torne dat se nicht scholen in

myne rouwe ghan *In* der ere
 der salichsten iuncvrouwen. et cetera.
Ere sy deme vadere. deme
 sone vnde deme hilgen geyste
 also dat was in deme begyn-
 ne vnde ewich bliuet Amen.
 Jubilere wy deme heren. *In* de ere
 der saligesten iuncvrouwen mari-
 en Jubilere wy deme heren.

1.4. [Psalm 8] **PSalmus Domine dominus noster.**

[Page 47r]

Here vn- se here wo wonderlich is dyn name in alle der erden *Wente* dyne welde is gebo- ret bouen de hemmele
Vte deme munde der vnsprekenden kin- dere dede noch sughen vullen brochtestu dat lof dor dyne viende dat du
 trotest den vi- ant vnde den wreker *Wen-* te ik scal seen dyne hemmele de werke dyner vingere den ma- nen vnde
 de sterenen de du stichte- dest *Wat* is de mynsche dat du syner denckest ofte wat is

[Page 47v]

des myschen sone went du ene vor wat rekenst *Wente* du hefst ene eyn cleyn ge- mynnet vn den engelen du cronedest
 ene myt ere vnde myt syrode vnde settest ene bouen de werke dyner hande *Du* worpest alle ding vnder syne vote
 schape vnde ossen vnde dar en bouen alle quik des veldes *Des* hemmels vo- gele vnde des meres vissche de dar
 des meres stighe wan- deren *Here* vnse here wo wun- derlik is dyn name in alle

[Page 48r]

der erden *Ere* sy deme vadere

1.4.1. *Antiphona*

Du bist benedyet bouen alle vrouwen vnde benedyet is de vrucht dines liues.

1.5. [Psalm 19 (18)] **psalmus Celi enarrant gloriam**

De hemmele kundeghet de ere godes: vnde dat firmament kundeghet de werke syner hande *De* dach kundeghet
 deme daghe dat wort vnde de nacht kundeghet der nacht de wisheyt *It* en sint nene tunghen noch der men ere stemp-
 ne nicht ne horet *En* luth gink in alle der erden vne

[Page 48v]

ere wort ginghen in de ende des ertrikes *He* sette syn tha- bernaculum in de sunne vnde he gynk also eyn brudegam
 van syner bedde kameren *He* vrouwede sik also eyn rese den wech to lopende van deme ouersten hemmele is syn
 ghank *Unde* syn wed- derghank beth to deme ho- gesten vnde nemant is dede sik hudeth vor syne hitte *Des* heren
 E is vnbesaluet vnde bekeret de selen des heren betuginge is lauelich vnde

[Page 49r]

wisheit den cleynen *Des* he- ren rechticheit is recht vnde vrowet dat herte dat luchtende both godes is vorluchtende
 de oghen Godes vruchte is hil- lich vnde bliuet in der werlde der werlden des heren richte sin was vnde sin in sik
 suluen war vnde recht gemaket *Se* sint begherlik bouen golt vnde vele eddeler stene vnde sotere bouen honnych
 vnde seem *Wente* dyn knecht bewaret se in der bewaringhe der bode is vele wedder lones

[Page 49v]

We vornympt de vorsumen- heit van mynen hemelken reyneghe my vnde van den vromeden schoue dyme knech-
 te *Ofte* se myner nicht ouer herich ne werden so werde ik vmbesaluet vnde werde ge- reyneget van deme grotesten
 broke *Unde* mynes mundes sproke werdet behegelik vnde mynes herten trachtent wert alle tijd in dyme angesichte.
Here myn helpere vnde myn losere bist du *Ere* sy deme vadere deme sone vnde.

1.5.1. *Antiphona*

[Page 50r]

Du gheuest eynen soten roke also wterkoren myrre hilghe godes moder.

1.6. [Psalm 24 (23)] **Psalmus Domini est terra**

Des heren is dat ertrike vnde ere vulle vnde allent dat dar ynne wonet *Wente* he ene gestich- tet heft vp dat mer
 vnde heft ene berede maket bouen de vlot *We* stighet in des heren berch edder we mach stan in syner hilghen stede
De vnschuldege in den handen vnde reynes her- ten is de syne sele nicht geues nam vnde de syne negesten nicht

[Page 50v]

en swor in drogene *Desse* scal nemen den sege van gode vnde barmherticheit van go- de syneme heyle *Dit* is dat
 slechte der genen de ene soket dat antlat godes iacob *Gy* vorsten vorhauet iuwe porten vnde gy ewigen porten
 werdet irhauen vnde de koning der eren de scal dar inghan *We* is desse koning der eren de sterke vnde de weldighe
 here de wel- dich is in deme stride *Gy* vor- sten irhauet iuwe porten vnde gy ewighen porten werdey irhauen

[Page 51r]

vnde de koning der eren scal dar inghan *We* is desse koning der eren de here der dogede is ko- ning der eren *Ere*
 sy deme vadere.

1.6.1.

Singet vns sote sange vor deme bedde desser iuncvrouwen.

1.6.2. *versiculus*

De gnade is geghoten an dynen lippen. Dar van benedye dy got ewichli- chen.
Paater noster. Aue maria

1.7. leccio principibus

Sancta maria iuncvrowe bouen alle iuncvrouwen moder vnde dochter des de eyn koning is bouen alle koninge gif vns dynen trost dat wy van dyner wegen moten be-

[Page 51v]

holden dat lon des ewighen leuen des vnde dat wy mit dynen wterkornen moten dat rike beholden ewichliken. Sunder du here wes vns gnedich.

1.7.1. *Responsorium*

Hilghe vnde vndbeveleckede iunc- vrowe ik ne wet nicht mit wat loue ik schal dy louen Wente den de hemmel nicht begripen mochte den drogestu an dyneme lichamme

1.7.2. *versiculus*

Du bist benedyet bouen alle vrouwen vnde benedyet is de vrucht dynes liues. Wente den.

1.8. l. ijra.

Sancta maria vnder allen milden de mildeste. vnde vnd[er]

[Page 52r]

allen hilghen de hilgheste. De wte dy gheboren is vnde is eyn here bouen alle de hemmele de sulue mote van dyner weghen nemen vnse bede dat myt syner leue mote delghet werden vnse sunde. sunder du here wes vns gnedich.

1.8.1. *Responsorium*

Salich bistu iuncvrow maria de du den heren drogest den schepper alle der werlden du wunnest ene de dy schop vnde bleuest ewich- liken eyne iuncurowe.

1.8.2. *versiculus*

Wes ghegrot maria vnde alle gnade de here is myt dy Du teledest den de dy made.

1.9. lectio tertia

[Page 52v]

Sancta maria wente du werdich werest to vnt- fangende den alle de werlt nicht begripen mochte delghe vnse schult myt dinen milden beden dat wy stighen mogen to deme stole der ewygen ere dar du mit dyme sone bist ane ende. Mer du here wes vns gnedich

1.9.1. *Responsorium*

Allerleueste iuncvrowe godes werkersche der dogeden Giff helpe den nottorfti- gen kum vrowe den to hulpe den elenden dede to dy ropen.

1.9.2. *versiculus*

Wente wy vorducket werden myit der

[Page 53r]

sunden borden aller hilgheste wy bidden dy. Gif helpe den

1.10. cantic?Te deum laudamus

Wy lo- uen dy got wy bekennen des dat du eyn here bist Ewy- ge vader alle de werld eret dy Alle hemmele vnde potestaten louet dy Cherubin vnde sera- phin de singet dy mit vns wi- gelicher stempne Hilge hil- ge. hilge here got der schare. Hemmel lvnde erde sint vul dyner weldighen ere De er- liche koer der apostele. de loue- liche tal der propheten. de schone

[Page 53v]

schar der mertelere louet dy. De hilghe cristenheyt louet dy ouer den kring der werlt Du bist eyn vader der vmme- tigen welde Dyn ware vnde dyn enighe sone is eren wer- dich vnde de hilghe trostende ghest Criste du biste eyn ko- ning der ere Du bist des va- ders ewige sone Do du den menschen vntfaen vnde losen woldest do en vorsmadestu nicht der iuncurowen lijf Do du vorwunnen haddest de pyne des dodes de opendestu den loue-

[Page 54r]

gende rike der hemmele Du settest to der vorderen godes in des vaders ere Men louet dat du wedderkomende sist eyn rich- tere Darvme bidde wy dy kum vns to helpe dynen denst luden de du ghelaset hefst myt dyme dure blote

Make dat vns gelouet werden my dynen hilghen in der ewighen ere. *Here* make salich dyn volk vnde benedye dyn erue *Unde* richte synde hoge se ewichli- ken *Wy* benedyen dy ouer alle daghe *Unde* wy louet
[Page 54v]

dynen namen ewichliken in der werlden der werlde *Here* roke vns to bewarende in desseme dage vor sunde *Here* vorbar- me dy ouer vns vnde wes vns gnedich *Dyn* barmher- ticheit werde bouen alse wy in dy hopen *Here* ik h??e- de in dy gif my dat ik ewich- liken nicht ne werde vorsto- ret

1.10.1. versiculus

Na der kort bleuest du eyne vnbeuleckede iuncvrowe. Godes moder bidde vor vns.